

K296.1

100

(490:1)

中國方志叢書

蘇方·第四八九號

據

江苏工业学院图书馆藏 乾隆三十二年刊本

康熙三十二年刊本

影印

河南省

嵩

縣

志

(二)

成文出版社有限公司印行

中華民國六十五年

月臺一版

嵩縣志

全二冊

發行人：黃

成助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

臨縣志卷十五

邑令臨泉康基淵纂修

貨

洪範八政一曰食二曰貨民之所急所資也豫州方物詳見禹貢職方唐宋地志者今或為嵩境所無若疏名物譜群芳無裨紀載載其近切民生日用者不貴異物賤用物信哉工商之巧不若農桑之樸矣

麥
來牟二種別種者
各莠麥亞於麥

粟
粟屬北方直名曰
穀為秋稼之主

豆總名大小
種類皆宜

玉黍

粒大如豆粉似麦而青盤根極深西南山
陡絕之地最宜若稷黍高粱藝植殊少

按國策云韓地險惡山居五穀所生非菽而麦民之
食太抵飯蔬藿羹一歲不收民不饜糟糠無二歲之

食今嵩民日用近城者以麥粟為主菽輔之其

山民玉黍為主麥粟輔之稻雖產非常需也

稻

杭糯二種引伊水藝植王守誠志謂稻滋於
水水滋於伊伊能滋稻亦能決田者是也

知縣康基淵萬民種田說嵩土性於植物無不宜木

若槐檀桑竹茶漆及柿栗果實之屬穀若菽麥黍稷

水陸之禾莫不產也其值最貴成賦上則者惟藝稻

之水田禹貢揚州土惟塗泥故相宜也嵩田土頗易

滲五七尺之渠沾潤僅四五頃又稻率十年而三稔

民日用不恒食利其多易緡錢耳予以為如麥後八

分種粟二分時藍以十畝計可獲粟二十四石收藍

易價藍後種蔬二畝所出亦可獲緡錢二十四千文

利反倍多也或曰蒔藍誠善蒿民亦有業其利者
藍非食物宜非本務予曰否此土田狹隘之說非語
於土曠民稀之蒿也大抵蒿野中熟產粟可供食年
餘歲屢豐而民用不舒者正以專務本而失調劑之
宜隱受蒿賈之并吞習不加察耳夫吾子所謂本計
者穀米布帛也予所謂調劑者兼權錢幣也考三代
時民有常業其粟米布帛魚肉蔬菜莫非力所致
用錢極少至李悝平糶法計民一歲用錢只一千以
上已為多矣三代尚不及此今則百貨重輕之直皆
由錢定焉人率耕讀兩途士享其租所入農食其田
所出無他生業也然以輸貢賦則需錢以供賓客修
六禮則需錢一切日用蔬菜柴鹽之屬歲需錢十之
五六錢河來惟糶粟耳方未入市也商賈預計其必
需而價為之減及入市爭售更加平賤於是點滴汗
血不能不錢以界人更或粟之成熟有時錢之需用
無定則零錢不惜重息稱貸醫瘡剝肉青青之
苗瞬屬他人至粟聚商販俄又需食固而閉之無慮
價不驟騰也向之賤出者今又貴入輟轉失利而豐

年之收統計四分賑商加以分賑整費用浸廣日用安得不拮据水旱安得不流離乎今立分將鹽為商賣所必需質遷境外得錢極易足以供貢賦印用之需粟之餘者孰肯賤售安在吾民之不務蓄積乎於是農蕪商賈之利商賈不得乘農人之急為兩得之況造用如園蔬諸物甚夥不獨一藍而卑下退水之田仍藝稻禾利亦兼收矣使得予說思之試而行之十年之外萬民猶若是其疲敝窘急也則予之為吾民慮者過也

脂麻 黑白二種黑者名巨勝可榨油農民利其值恒藝之

棉 本草載木草二種色第有草性宜山壤

銅葉 葉曰蘭銅餅葉昔又名山蘭

向不產知縣康基淵教民養蠶乃於三十一一年購湖州人設局雜澤初會樂又置機房致近織綾絹質

如漆

蔴

草反之良可綯索 按蠶惡蔴 凡蔴泉之屬近蠶種則不生

藍

蔴蓼二種園圃刈麥 後藝之仍可種蔬

桑

女桑楸桑縻桑山桑四種 女桑利尤厚 女桑亦有二種 椹多葉薄為荆桑 椹少葉厚為魯桑 荆不及魯小

蠶宜荆大蠶宜魯 農桑要旨云平原淤壤土地肥虛 荆桑魯桑俱可種 若山地土脉赤硬止宜荆 知縣康

基淵勸民植桑二十一年於各里保設

蠶正蠶長給照分勸得桑十餘萬株

附種桑說蠶桑之政詳於周官浴種親繅自后妃命

婦下逮閭閻無不蠶之人也 授井分宅墻下樹桑無

不桑之土也 夏書惟桑州無篚貢然今蜀錦甲天下

城都桑八百株 武侯以貽子孫 自漢代已然 蠶性畏

風惡濕 燕代霍夏之間或不宜蠶 其風勁也 徐揚間

有之患瘴濕也 嵩周歲鄉遂地密邇東洛是為土中

陰陽之所會風雨之所和唐志洛州土貢文綾繒縠
絲葛今荆魯桑種城鄉所在而有然其利不興何也
十年之計在本民方以習故常苟目前之安忘久遠
之圖也夫衣食者民之命農桑衣食之源而不藝桑
非獨女紅曠也一農耕之八口群聚而衣食之謀生
之方資於一定幾何不貧且病也予謂種桑之利小
成獲小效大成獲大效假種桑一畝五年後採葉二
千觔養蠶十筐得繭百四十觔繅絲百餘兩值可十
餘金藉其入以供衣服賦稅六禮之需佐農所不逮
孰與夫穀初登而急入市重受商賈之困以乏餒其
身者耶况嵩多陵阜土脉赤硬荆桑為宜若盡以藝
桑不數年列樹徧阡陌東西各縱橫永之竹鞞之柿
利不獨擅矣且蠶事五旬而成採飼婦女可任無礙
農功予故曰民之蹈習故常苟安目前也昔子產相
鄭闢畝樹桑張全義督民蠶桑繭良則笑予今蒞嵩
期年幸伊昆所謂初至矣知之而不教教之而不獲
大得民信殊自愧為顧細民愚淺圖始為難嘉有陳
列食乃知旨予安知民之終不我信而弛拳拳之誠

俾坐廢百年永利與因為之說並著種植法如左

種桑法五月桑榘熟時取黑者置缸中水浸一宿桑去皮渣獨留精實晒極乾和稻草灰封貯磁器勿令還潤二三月內種之須擇肥地修畦置糞勻布桑子再覆細糞寸餘治平令堅連灌三兩次十日出土一年長二尺餘俟指大移栽五步一株勤灌溉五年成拱把可蠶矣 移栽桑法春二月掘坑極深納穉桑欽土填至半坑灌以水再用土封平日晒不裂其生最易 壓條法種子不如壓條初芽時擇枝條旺相肥澤者就馬蹄處劈下潤土內開溝尺許埋實自然生根布葉壓後遇旱於旁開溝灌之但取水氣到忌多著水 接桑法以魯條接荆則久而尤茂 又種宜審時兼合地宜使不失其中春分前十日為上時當發生也十月小春木氣長生也亦可壓桑

柘 宜山石今谿谷多有之葉可飼蠶蠶書云柘葉飼蠶其絲作琴瑟絃清響勝凡絲

榭

本草有二種小者叢生高者名大葉櫟以栗而長大粗厚今南山民以飼山豕

竹

川原間有竹園但不及永寧西南山白河多小竹可作筆管有運販者

按竹之利厚焉隣永寧土亦稱宜其植不繁者竹必五年始成民難始事也又竹必需水近開各渠足敷滋養此亦利之宜興者與

漆

產南山白河割採者率江廣人近生聚日繁山皆壅闢產亦不多

松

楸

椴

桐

洛西南山俱有商客編筏遠貨浮伊至洛鞏浮汝至汝州浮清至南陽獲厚

利今民貪壅老荒槎藥不戒山漸空矣

櫟

山內多有凡二種不結實者為赤櫟結實者為白櫟本草註文理皆斜句其實為櫟其仁如老蓮肉數歲採以為飯豐年可以肥猪其木高二三丈堅實而重大者可以作柱棟小者可為薪炭櫟壳可以染皂櫟

葉可煎

飲代茶

按標之用廣予行西南山合峪汝源白河合抱之木

山民戕伐腐爛澗谷中者彌望皆是甚且急於墾荒

焚灰代糞詢其故緣木性堅實入水即沉難遠貨然

治而為材植而取實均益民用今其釋者既災於採

取木耳成材者又暴殄若此天地自然

之美利幾何不匱山民後將何賴歟

之堅實不浮水爾雅云材中車輶今

極隣邑車軸多取給貧民負販覓利

楮一名構剝其皮搗以

為紙亦運販他邑

炭標之小者為柴

貧民擔負易食

柿栗榛蒿土皆宜

盧志明萬歷以後村落櫛密

林木茂盛兵燹後十去其九未見有新植

者

白菓

一名銀杏白河孫店間有之

木耳

菌類 盧志嵩西南接壤魯山亦產木耳初春肇

生嵩民邀利目前無分拱把盡一山復伐一山萌芽竭而生息益寡矣

何首烏

赤白二種 崗陵間有

茯苓

一名松腴生深山大松下地甚深難猝得

蒼朮

本草云出惠明山者佳

百合

花開赤白二種寔可為珍乾隆二十九年知縣康基淵即普濟堂地四十二畝九分三厘置園以二

十餘畝種百合二畝建亭二土畝給園夫為工食計畝堂租谷四十石三斗九合三卡一年置毛坪土樓

地一頃八十五畝稞錢二十七千六百二十二文以代堂租地段稞券在案其園內分六區外樹桑數百

建亭一坊一在城

西二里李灣村有記

知縣康基淵百合園記百合故非萬產本草云生宛
胸及荆山嵩西南山間可之率遂谷腐壤人迹罕到
積十餘年實乃大如拳採之者攀荆榛躋巉險觸霧
露犯虎狼始可得國初山境人稀物得休養近數
十年間五方之人入山墾荒亦掘食百合度日百合
盡而百合之名乃四出於是求百合者必於嵩一經
官構價必騰昂求之於民難免滋擾不產百合之近
地更苦無以應命細民語及百合而心悸也余癸未
季冬蒞嵩即思所以寬之謁歐陽觀察又復諄誠得
李灣晉濟堂地四十畝宜百合分二十畝為六區每
區歲產千餘觔屆五年一用周而後始閱二年而種
成渠引賈若水以防其旱募園夫四名給堂地二十
畝以為工食別置毛坪土樓地批坐丑乙酉秋捐建
亭坊樹柳藝桑鑿池益為久遠計絕胥役之擾抒貧
民之慮賴是園美或慮成者不永者愈衆盡其所
出不足以應勢將任事者民食不無萬之山蓋方

數百里矣今惟山產已空乃為之圖為權宜補救計
 取此數十畝內旦旦而一立而國盡而仍求諸
 山乎循此以往官斯土者無不設惜此國俾源源可
 繼而鯨首微脊之山民無不感無過慮也至若花
 開燠爛夜香遠徹林下時乙酉九月也
 有特義不繫於民

室
 色白者佳

蠶
 原蠶野蠶二種養蠶法收取蠶繭必居簇中者近上
 則絲薄近下則子不生

必拔乾
 有傷也

魴
 鯉雅魚之美者楚蜀魚也洛以渾深宜鯉
 伊以清淺宜魴里語云洛鯉伊魴貴於牛羊

鮠
 水經註聲如小兒有四足形似
 鱧出伊水今土人亦捕食之

鯽
 本草形似鯉今
 汝水間有之

產伊水有
黃白二種

鉛 黑鉛 礦石

鉛鑛間產銀砂勝國去京說守備以鎮之崇禎時因
軍與遭大鑛開採萬里諸河上所得者十一下所耗
者十九末年大亂鑛徒余大忠等盤據屠毒萬邑者
八九年鑛禁一開則五方驅滑亡命聞風膽集多
者千餘人少不下數百人其儕率自尊一人為渠帥
號令皆用軍法往往爭河殺傷官府不無問人多食
煩仰給於土著富民之糧時或荒歉乏食變可立致
故李闖出關聞盧氏鑛賊聚千人蜂擁雲從勢難解
散尤較著者 國朝銀鑛久封設兵防守其採鉛鑛
亦以無利而止開採之說自昔迄今止見其害未見
其利今惟封洞口嚴保甲查流
移為未雨之防靖盜源而已

